

摘藻堂四庫全書薈要

集部

欽定四庫全書薈要卷一萬九千四百八十四

集部

皇清文頌卷八十三

詩

七言律詩

乾隆三年

聖主躬耕藉田恭紀二首

徐以烜

聖朝善政首勤民耕藉元辰問禮臣

詔下扈農皆就列仗移耒耜已先陳
花迎車蓋千村曉

柳染旌旂一色新
纔出郊圻甘雨霈

九重一念格蒼旻

禾垂九穗麥雙歧
上瑞從今可預期
竟日沾濡天有意
平疇長養地無私
回

鑒共仰

皇情豫終畝還邀麗澤施
此日東郊叨侍從
含毫齋賦
載芟詩

聖主躬耕藉田恭紀四首

阮學浩

秉耒農祥禮肇行星羅萬井正敷榮上辛早為民祈穀
吉亥還勞

帝教耕好雨知時隨

玉輅芳田含潤度霓旌

聖人舉事孚純佑倂載功宣報順成

御藉

親推禮意虔青箱種稊散朝烟千重柳綠清明後一路
花濃穀雨前縹軛驅犁膏乍起紺轅週畝景無邊大常

樂奏春旂颭淑氣氤氲覆廣阡

庶氓終畝力耕嫻京尹徐分亞旅班最喜

君王臨繡陌得令父老識

宸顏杏花菖葉相將發霧笠烟蓑肯放閒始信為農真
足樂神倉粒粒出人間

皇情懽暢兆民知佈霽流芬雨及期春樹人家新沐候
天田雲物正佳時已占周雅千倉慶更介豳風萬壽詩
長此閭閻書大有年年歲歲紀

鴻禧

聖主躬耕藉田恭紀四首

沈慰祖

上腴千畝鳳城邊無逸傳心稼穡先耒耜利興方二月
馨香誠格已三年祥飄霖霖青壇雨瑞靄氤氲翠幙煙
此日土膏添潤澤東皇貺答

聖衷虔

先期撰器戒農曹率作寧辭玉趾勞布穀聲中仙樂奏
垂楊影裏羽旂高綠蓑環拱瞻青輅黛耜頻推動赭袍

獻得盈箱種桂種嘉禾應紀產神臯

蹌濟班聯御耦旁許教野老覲

龍光授時早叶元辰吉終畝還沾勞酒香共喜金根迴
繡甸懸知玉粒裕神倉
幽風景物無須繪新輯農書
睿慮長

祈穀曾勞翠輦臨民依纖曲軫

宸襟三春重命

親耕駕四海應知教孝心保介咨茹宣

德意明粢將享卜居歌禾詞唱徹康衢樂長養風來拂
舜琴

聖主躬耕藉田恭紀四首

有序

吳華孫

皇上御極之三年春二月辛亥有事於藉田甘雨時降
大禮慶成百辟羣黎罔不歡悅臣伏惟聖王先成
民而後致力於神藉田之禮綦重周語所謂上帝
之粢盛於是乎出民之蕃庶於是乎生事之共給
於是乎在龡協輯睦於是乎興財用蕃殖於是乎

始敦龐純固於是乎成是以聖王必躬親之

皇上敬事

天

祖勤勞百姓膏澤洽於羣生咨儆殷乎民事

輯農書以垂萬世法

履千畝以為天下先仰惟

世宗皇帝每歲耕藉加三推禮為四爰乃再進一推所以虔明禋重民食繼序其皇兢兢勤勤之心恩德

甚厚精意上通靈貺斯答澍雨之祥如期而降蓋
誠敬孚而休徵之應見也昔成周盛時王道洽而
頌聲作有載芟之春耕斯有良耜之秋報相繼歌
咏告成功於神明鏗鉤炳耀垂之無窮然則覩

聖天子盛德之符占年大有作詩歌以婉雅頌斯其時
也非載筆之臣遭逢之榮幸歟謹拜手稽首而獻
詩曰

雨灑春郊柳拂隄蒼龍夙駕為蒸黎堯年舜日三辰正

禹甸周原萬井齊喜見麴塵清御路
恰添新水潤耕犁
皇心祇念民依切輦後新看耒耜攜

功開一壑重

躬耕隴畔欣瞻典禮成父老共扶丹耦出公卿
咸御紺轅行高翻翠靄旌旂影半趁和風笑語聲
嘉種乍分生意足預占大有慰

皇情

升臺臨眺景冲融襁還看共勸功三十六禾詞宛轉

億千萬里畝南東早知觀稼

天顏喜咸樂瞻雲衆念同一望烟蓑偕雨笠村村風景
畫圖中

皇仁真比海波深

宵旰常勤稼穡心纔見

郊壇蒼壁薦又瞻

帝藉翠華臨禮行勞酒沾

恩澤樂奏簫韶播

德音幸際昇平陪法從康衢擊壤效謳吟

聖主躬耕藉田恭紀四首

有序

宋楠

臣聞辰角麗天九扈著省功之典勾萌出地三農
遵秉耒之期遡平秩於伊祈首程東作繫艱難於
姬籙獨切西疇粵若帝藉之親耕必涖南郊而肅
事以薦明馨之德則上帝居歆以開率育之功則
蒸民乃粒掌在甸師之職詳於載柞之篇有其舉
之賁乎尚已我

皇上陶鈞六合茂對羣生塵靜波恬保介屢咨於南畝
經阡帶陌農書特輯乎西清遠惟我

聖祖仁皇帝澤被閭閻晝穀宵絲悉繪豳風之歲序嗣
我

世宗憲皇帝恩流墳壤駢枝附穎罔非洪範之休徵我
皇上繼序其皇恫瘝在抱既三年而即吉遂一堡以興
民肅邁蘭場虔臨紺幄雲中布穀偕鳳管以齊鳴
陌上垂楊映龍旂而一色金根車動玉笋班聯蕭

烟縹緲於層城杏雨沾濡於廣隰青箱乍起流珠
顆於芳田縹軛初迴溢天漿於沃壤從此五百里
粟五百里米備粢盛醴酪之供佇看八千歲春八
千歲秋紀日月河山之壽七言恭賦四律俱成

康田無逸凜深宮新展龍旂御畝中二月

躬耕循典禮

五朝家法重農功祁寒雪後縈

宸念

御製得雪詩
節簷還慮怨祁寒

閔雨春來切

聖衷不似漢唐依故事祇將玉輦玩芳叢

未詞宛轉彩旂輕鳳吹遙連擊壤聲萬耦犁雲環

帝藉六龍飛雨過春城香飄翠甸花叢濕綠入芳郊

輦路清陞楯不應嫌露立

天衣霑灑為蒼生

錫簫社鼓太平年薄靄輕衣長養天玉液遠滋清畊露
洪縻低拂綠楊烟
涵風內苑觀周稼鈎盾西京置漢田
豐澤

御園曾履畝

宸章奕奕五雲邊

紫陌春和萬象舒華滋久已溢衡廬蠲租並歲傳
恩詔發粟連圻走傳車遍

勅花封咨保介別開詞館輯農書

親耕總為民天計珥筆真慙退食餘

聖主躬耕耜田恭紀四首

程鍾彥

寅賓日出應璣璿

盛治昭明稽事先耕鑿八紘同湛露農桑萬井樂光天
膏流嘉種青箱外春藹帷宮黛耜邊

聖主乘乾隆典禮民功首重協康年

瑤壇嶽立藹和風禹甸周原駿發同翠輦路分烟笠外
青旗影動雨犁中

九重肇舉三推禮千畝先勞一墾功十萬提封齊荷鍤
多魚有兆叶年豐

絲鞭颺處景遲遲節鼓聲隨勸稼詞稽古首崇無逸訓

陳風應繼載芟詩紺轅履畝千官集玉粒盈疇九穗滋
穀我生民由

帝力鴻鈞雨露自無私

廣陌橫阡一望開慈龍佳氣蔚層臺祥風遠拂青疇過
好雨新隨彩仗來黍稷萬年馨

帝德倉箱百室阜民財禮成還蹕傳清漏五色卿雲護
輦迴

聖主躬耕藉田恭紀四首

馮元欽

青郊時雨灑芳垓保介前驅

萬乘來千畝菑畬華耦集九天珠玉翠疇開生民本計
由多稼盛世農功定阜財明德薦馨還祝歲忻看典禮
重

親推

望耕臺畔擁千官兆庶謹呼夾隴看帶雨蒼龍依紺幄
犁雲慈愍傍青壇膏流沃壤花村靜春滿芳田部屋歡
共識

聖人宵旰意稔知稼穡最艱難

長畦雨過碧氤氲隴首依稀湧濕雲天體

聖心施霖霖人因

帝力重耕耘農祥協應三時順布穀頻催四野聞此白
萬方同秉耒定看嘉種答辛勤

重農貴粟仰

皇衷大有頻書萬寶豐穎合嘉禾紅穠稭岐分瑞麥碧

玲瓏吹幽祭蜡年年事俗厚風淳處處同珥筆

小臣
糜

歲祿慚無鴻筆紀康功

聖主躬耕藉田恭紀四首

有序

曹秀先

粵稽耕藉之由來尚矣其謂國之大事在祀民之
大事在農百穀用成豐年隆禮將以大報本潔明
禋煦嫗休養蕃息齊民治化胥本諸此洪惟我
朝受命恪重田功世世相承禮逾古昔我

皇上御極以來務本重農有加無已

特命儒臣纂輯農書

臣嘗恭誦

卷之三
睿製豐澤園有記田字房有記耕藉田有賦有詩大哉
王言一哉

王心天下之福也於是三年即吉之初仲春月

躬耕藉田自三公九卿逮夫農官耆老各如禮報事禮
成邦畿悅服萬衆歡呼僉曰

天子紹述大典率作以為天下式祀事孔明孝思維則
平秩東作敬授人時在此舉也臣職司載筆不揣

固陋敬賦律詩四章猶夫耕田者樂康衢飽德者

詠太平云爾

五輅星馳駐翠壇西南郊外擁千官
雞翹豹尾因風動玉帶銀魚拂曉寒
縹軛乍迴千畝潤青箱始播萬人歡
香飄九陌春常在

天子先知稼穡難

盛典初成吉亥期陽和徧地總無私
六龍帶雨郊原濕九扈蜚聲野老知
短短桃花縈蹕路青青柳色颭春旗
觀耕臺上還凝望絕勝豳風七月詩

清川碧樹互晴陰二月鶯花滿上林
初向郊關田祖迓即時歌舞太平音迴

鑾五色飛雲繞勞酒三公執爵斟齊上
春臺稱萬壽萬家生命

聖人心

耕織嘉禾各繪圖我

皇繼述啓苞符星明五穀開銀鏡露浥三危浸玉壺太
史簪毫書大有老人鼓腹在康衢薦馨至治昭全盛清

廟生民播遠謨

聖主躬耕藉田恭紀四首

張映斗

金根捧日駕蒼龍

聖主新耕備禮容
王業開基尊后稷
天田秩祀重先農
青旂載道晨光麗
紫陌連塍曉露濃
一御洪厯登萬寶
早開耕鑿遍

堯封

夾鐘應律日辰良
芳甸初開繡錯長
花拂

鑾輿迎黛耜春浮種稔出青箱旌旗互轉需雲合歌嘏
頻催兌澤穰

帝恤民依神貺厚正逢甘雨贊農祥

觀耕臺上

赭袍明千畝遙連九野平
繞岸綠楊闌士女聯班紅
紉敘公卿鋤雲農具隨行耦
觀日耕夫拜寵榮太寢何煩
重

賜宴已蒸和氣作歡聲

康田自古啟鴻模元氣真須

御手扶豈獨民生關

帝力由來髦士即農夫先春已舉祈年禮午夜猶觀無
逸圖三十六禾齊合頴從今歲歲紀苞符

聖主躬耕藉田恭紀四首

陸嘉頴

農祥韶月映春城

帝念民依藉禮行

黼座順時勤稼穡

齋宮先日重染盛雲開雙闕瞻

鑾輅瑞溢三階引翠旌曉樹漸看翔九扈早聞擊壤頌
昇平

青壇嶽立抱非烟佳氣細縕繞

御前樂奏屢豐神貺洽祀隆七獻

聖心虔至誠自與陰陽會無逸能通造化先好雨知時
工發育為迎

清蹕到天田

龍哀朱紘

睿德昭東阡西陌序羣寮四推加禮神功溥一壻含春
地力饒旆影歲蕤交衆畝禾詞宛轉徹層霄林間布穀
催耕未萬井笙歌荷

聖朝

觀耕次第遍三農千耦應收畝一鍾地是神皋原陸海
天開沃野總提封薰絃韻叶仁風遠勞酒恩霑湛露濃
玉粒自今皆

帝力溝塍遙護九如松

聖主躬耕藉田恭紀二首

劉綸

帝藉春回斗柄東青壇夙事重

皇躬上辛巳卜升蕭鬯吉亥旋諏獻禋種千畝桐華

清蹕雨一林鳩羽畫旗風為傳太史頻時覲瑞靄遙連
祇被宮

土脉香生

御耦推南山雲物上觀臺禾詞迭譜三終奏勞酒齊斟

九醞杯並使簪纓知襍禊即看菽粟等瓊瑰豐年何處
占農喜萬井春聲社鼓催

聖主躬耕藉田恭紀四首

齊召南

祈年祈穀總

躬親宵旰勤勞念下民乃擇元辰當吉亥曰咨羲仲掌
中春油雲自冪齋宮地絲雨全銷輦路塵知是大田深
望幸杏花開處倍鮮新

青壇嶽立絳霄邊裡祀先農鬱裸虔華蓋影籠芳甸霧

彩旗香拂

御爐烟耕開隴色移周耜唱徹禾詞叶舜絃率土臣工
欽率作屢豐應覲萬斯年

臺觀丹雘列東菑次第公卿及甸師土脉自看田上上
恩光真與日遲遲種從

御廩青箱播祥卜環丘玉粒垂父老從容瞻睟穆

天顏有喜兆人知

鸞聲和度周原遠龍角明占曉色初搜粟行分都尉節

教田新輯議郎書要令郡國千春樂不止司徒九歲儲
烟火相望萬餘里於今隨處滿篝車

聖主躬耕藉田恭紀四首

朱 荃

東風吹雨滿春城太室朝來饗禮行豈以物華供
睿賞祇因農事軫

皇情紺轅過處烟光合芝蓋翻時翠靄迎午夜齋宮隆
感召先將靈貺福蒼生

青郊路近接金隄

鳳輦遙來列仗齊
甫陟瑤臺開宿霧
旋推黛耜潤春泥
堆黃早卜雲千頃
皺綠新添水一犁
好是勾芒方應候
分來嘉種遍芳畦

曲闌披拂柳條斜
行近耕臺駐

翠華已許農民陪
御耦欣看田器出

天家千門碧色閒
芳草一路輕陰護
杏花要識太平原
有象春深何處不
桑麻

微雲轉日逗斜暉
才聽宣傳整六飛
四海雨暘皆

帝澤

九重宵旰切民依應知介福神先享預喜祈年願不違
從此農書添紀載三推加二古來稀

聖主躬耕藉田恭紀三首

洪世澤

九衢歌舞入韶年

天子青陽巽令傳共覩光華升舜日羣將耕鑿樂堯天
神功允洽千倉慶王業仍陳七月篇詎乏良農供

御廩為親穡事即康田

祇肅粢盛鉅典崇

九重無逸儆臣工春官是月聞吹簫太史先時奏協風
千畝潛迎天氣降六飛遙履土膏融康衢此日謳吟遍
萬國歡心兆屢豐

肅肅青壇駐

翠旌言乘春令達勾萌禮加周典三推上樂繼幽斂九
奏成淑氣依遲隨

玉趾祥風細轉拂朱紘神倉從此多香飴更覩豐年起

頌聲

聖主躬耕藉田恭紀四首

王會汾

太史先寅撰令儀司農陳器土膏時花迎翠幕晴光轉
嶽立青壇宿露垂一壑聿昭

天子孝千箱兼與萬方期誰編漢志農家說第八周王
訪落詩

玉宸勤民念永圖靈星曉祀設茅租種頒

椒掖嘉生遂繡裳緹原大塊蘇勞酒自輝周典禮賜租

不數漢規模桑烟柘火窮瀛海鹵澤吟沙總上腴
蒼龍夙駕下

天閭葱嶺遵塗引奉常清眀冷風通

御氣杏花榆英散年芳三登協應鳴銅雀九域貞符貢
玉羊會見詞官陳普淖嘉禾連穗隴雲黃

農鴈頒春促歲功滕開秀色畝南東


神倉待貯曾孫稼幽管還吹

列祖風肅肅原田霑

帝澤陳陳高廩接年豐火畬水耨臣能說願玃飈輪達
聖聰



皇清文頴卷八十三



總校官庶吉士臣張能照

校對官檢討臣郭寅

謄錄貢生臣李炯

欽定四庫全書薈要

集部

皇清文穎卷八十四
六至

詳校官候選知縣臣吳甸華



欽定四庫全書薈要卷一萬九千四百八十五

集部

皇清文頴卷八十四

詩

言律詩

乾隆三年

聖主臨雍禮成恭紀四首

蔣溥

鑾輿曉度傍樞星統合

君師式典型萬仞宮牆輝釋奠九天雲日照橫經先登

道岸尊

前聖獨契心源示在廷樂備禮明

恩浩蕩春流芹藻有餘聲

坦坦賢銜接禮門升堂展敬

帝容溫虬松舞翠枝逾古駕瓦流黃制倍尊物備兩楹
車服盛爵陳三獻禮儀敦無言自有羹牆契北面親
師對越存

鸞旂翠葆映霄雯午夜生徒佇大昕香霭氤氲披

御座霞光燦爛仰

天文敷揚性命傳洙泗尚論欽明重典墳名理會心期
共喻園橋冠帶蔚如雲

聖朝文治洽膠庠更企

宸修卜運昌三殿瑤籤垂制作六堂寶架煥文章淵源
早識傳心法俎豆重看發道光今日講幃沾
教澤無私化雨徧遐方

聖主臨雍禮成恭紀六首

于振

天子敷文首辟雍崇牙虞筍樹鐘鏞樂羣敬業尊師氏
說禮敦詩在瞽宗槐市橫經皆俊彥杏壇鼓篋盡春容
欣逢

乾德光昌日

聖學高深萬國顯

文廟巍巍德所基春秋俎豆飭儒師庠分上下軒楹爽
序列東西藻績施自是羹牆勤

寤寐俄瞻棖桷煥琉璃星躔奎壁文明盛紉繆卿雲五

色垂

春仲陽舒屆上丁

鑾輿晨蒞燭光熒虞庠再展三雍禮

堯陞新開二葉奠授几升階緣養老

臨軒前席為談經圜橋鵠立知無數百濟新羅總在庭

洪惟

聖學溯唐虞精一危微敬是樞已見松雲生棟牖還銘

几杖凜盤盂

日知薈萃窺

心奧

樂善編摩仰

帝圖一自

彤扉蒙

寵渥草茅頻得拜

嘉謨

臣自元年引

見蒙

賜

日知薈說

二年又蒙賜樂善堂全集

帝眷儒林

雨露頻不教滄海有潛鱗纔聞

玉殿臚句唱又見

天門蒞榜新重坐豈惟三十席授經何止八千人

小臣

幸得偕儀鳳兩覲元辰覲

紫宸

臣振於雍正元年殿試第一甲第一名乾隆元年
欽賜博學鴻詞蒙

恩欽定一等第四名

珥筆

金門愧不才

臨雍盛典慶趨陪懸鐘待叩聆

天語琢玉成功稟

睿裁仗馬有知猶振鬣游魚無翼亦揚腮
微生未竭涓埃報虛負

昌時說馬枚

聖主臨雍禮成恭紀三首

林令旭

文明肇啓應

昌期赤綬瑤光繫

睿思至德千秋原契合清時三月肅威儀銅龍漏轉
鑾輿動翠柏春濃彩仗移共喜

昇平傳盛事

聖人君拜

聖人師

璧水增輝黃屋新禮隆三獻重明裡笙鏞雅奏金絲叶
邊豆馨香玉醴陳匝月

龍輿看再至

兩朝鴻訓實相因

躬耕纔畢

躬臨學濟濟橋門集鳳麟

盥薦升堂

聖敬昭旋開

講幄

御香飄書呈

玉几開黃帕露浥金莖下碧霄位育功深原性教欽明

德被繼陶姚心傳道統遙相接雲煥

龍章仰

盛朝

聖主臨雍禮成恭紀四首

徐以烜

盛朝文治契儒宗重道

躬先泣辟雍

三殿春旗千騎擁十行

丹詔五雲重宮牆東魯思車服虞業西周振鼓鐘大禮

率由成憲在

九天儀度正從容

膠庠釋奠薦馨香裡祀尊崇邁百王

睿藻高懸庭煥采闕宮重整屋施黃包涵學海興儒行
仰止高山上孔堂經術源流

親印証欣瞻雲日大文章

文華殿啓

御經筵

視學重將

寶訓傳述聖首章尋孔思放勲開卷廓堯天行生并寓
無言教聲振如聞大樂宣從此儒林呈瑞色菁莪歌頌
滿新篇

聖學由來似海寬普天樂育漲文瀾園橋化雨沾槐舍
講席春風接杏壇後裔雲仍皆受
賜中朝鴈鷺盡騰歡尊

師時切羹牆慕珥筆深慚紀述難

聖主臨雍禮成恭紀四首

有序

阮學浩

乾隆二年冬十二月

皇帝詔曰

先師孔子聖集大成教垂萬世我

聖祖仁皇帝

世宗憲皇帝咸

詣辟廱釋奠詔講朕祇承丕緒嚮慕心殷特易

聖廟以黃瓦用展崇敬其俟工竣將親詣焉於是所司

迺詳據舊章詠三年春三月甲寅

上視太學釋奠如儀爰

御彛倫堂祭酒司業官以次講中庸虞書之首篇既宣
御論環聽者數千人靡不悅服越翼日

綸音煥沛錫慶有加禮也洪惟

聖天子躬生知之質好古敏求實與

聖祖仁皇帝

世宗憲皇帝心源繼續遠紹大成統緒以故崇儒右文

至誠至敬頒布

聖祖御纂經籍暨

御製文集於學宮多士是訓是行蔚有德造今年仲春

上丁之祀

親致齋裡恪行三獻復

御製匾聯懸揭若星漢茲未匝月

清蹕再臨猗歟盛哉揆諸雅頌薪樞中阿鸞旂泮水曷

能企焉臣叨列侍從親

道德之光華敢托矢歌以揚厲我

國家億萬年文明之治詩曰

古柏陰森翠拂空
櫺星門啓瑞烟籠
輝煌廟貌侔中禁
璀璨

天題貴學宮重道真逢

堯舜主尊師合陋
漢唐風鈞陳羽衛
凌晨發槐市喧闐
燭影中

上丁二月展明禋
視學重煩秩祀申
九奏元音金石備

千秋法物豆邊陳

大君誠敬先多士

天子羹牆見

聖人一脉尼山歸

列祖我

皇繼述右昌辰

環集生徒禮數寬詩傳于邁盡騰歡上公陪祀來

金闕博士觀光近

玉鑾壁水鶯花三月曉
橋門冠帶萬人看
只緣稽古多榮遇
未覺瞻雲路果難

芹藻香清劒珮旋
禮成稠疊

聖慈宣玉壺漿泛雲霄上
彩綺霞分日月邊
惠溢兼金憑錫予額增
藥榜待聯翩

恩暉湛露栽培普
定有鴻文石鼓傳

聖主臨雍禮成恭紀四首

張若靄

黃屋新開萬仞崇

鑒與視學出齋宮祇因百代心源合愈覺三廡典制隆
鳳幄翠分庭柏影

鸞旂香滿沼芹風青袍道左爭迎拜一體

君

師教育同

爐烟漠漠靄彤墀

翔步升堂盥獻時已向兩楹陳俎豆如聞四壁應金絲
留連車服看猶昔對越羹牆儼在茲紅燎光中

親展禮

天顏肅穆侍臣知

合樂聲終扇影迴
儒臣先侍講堂來
繡袍黃繖從天下
綈几牙籤對

御開共覩欽明光
格被久知位育道
全該尼山宗法唐
虞治並列瑤編仰

睿裁

銅街簇仗駕飛黃

仙蹕才移晝漏長萬國共欣瞻

鳳藻諸生新得覲

龍光統開八百車書會人在三千弟子行遙見金根隨
化雨殿槐壇杏一時芳

聖主臨雍禮成恭紀四首

齊召南

顯謨承烈際重熙

聖主端居講藝時禮樂百年光舊典文明千載啓

昌期心源自與唐虞接道脉遙從洙泗垂視學季春依

月令於論鐘鼓譜歌詩

虎闌燈燭集儒官
聲報靈鼉夜色寒
博士四門齊鼓篋
諸生六館盡彈冠
濃灑露待沾槐市
紉縵雲先護杏壇
漏刻漸催天半曙
分班鵠立候鳴鸞

太平

天子涖芹宮
夾道旌旂映日紅
正是芳時逢穀雨
共欣清蹕引薰風
典文稽古三雍備

家法尊

師六拜崇不盡高山瞻仰意

精裡直自比升中

彛倫堂繞

玉爐烟論說司成

賜坐羶占得

飛龍乾五位肄來鳴鹿雅三篇賓興更展春官額俊造
同分太府錢率海譽髦觀

盛德

恩波還勝永平年

聖主臨雍禮成恭紀四首

任端書

鼙鼓聲中簇仗齊虎闌春暖燦

鸞旂太平自重三雍禮

天子親瞻百代師肅肅虞庠兼授策煌煌周雅盛歌詩
東郊故事無煩說

車駕從容曉詣時

紫芹芳茆壁池香

釋奠初成大道昌氣象雲雷光
白鼎精神絲竹動宮牆
儒臣奉引陪行幄

天語遙聞徹講堂喜覩新
蕙深雨露奉璋何處不輝煌
聖主熙時敬典勤
乞言端冕在成均
一星大啓天東壁
六籍重昭斗北辰
柏舍日迎

芸輦麗杏壇風繞

翠華新共看冠帶輝
文物濟濟園橋億萬人

雨潤陰輕學市槐
六韻清奏露門開
諸生已見重雲集

侍子還從屬國來

鴻業百年興禮樂靈臺千載象昭回
欲知稽古榮多少
不數春卿漢代才

皇清文穎卷八十四

欽定四庫全書薈要卷一萬九千四百八十六

集部

皇清文頴卷八十五

詩

七言律詩

乾隆四年

聖駕南苑大閱恭紀四首

徐元夢

盛世休和景命隆

皇風淪浹遍寰中遐哉山海梯航至久矣

尊親覆載同

聖主檢身勤夙夜

帝心無逸詰兵戎恭逢千羽虞廷化江漢何須贊武功
先期瑞雪報初晴

仙仗遙臨淑氣迎南苑烟開屯虎旅崇臺日朗耀龍旌
已知師律符臧吉試聽輿人頌

聖明見說

秉旄巡壁壘六軍挾纊動歡聲

弧矢神威自昔留弛張兼用

睿謨周因承累洽重熙業益謹容民畜衆謀陟迹書稱
揚武烈綏邦詩頌屢豐休

皇心端為幾康凜共仰

垂衣肅冕旒

下武周詩溯哲王欽惟

列聖在穹蒼

皇躬作配昭孚式

帝命靈承豈泄忘起沛遺昆皆虎拜大蒸世胄盡鷹揚
老臣筋力慚陪從心切

鸞旂豹尾傍

聖駕南苑大閱恭紀四首

福敏

休祥奕葉慶重輝景命祇承式九圍澤潤衢樽聞擊壤
歌傳軒陛仰

垂衣

明堂脫劔銷兵氣象譯輸琛慕

德威吉日蒐苗遵舊典吾

皇神武嗣

前徽

鳴笳

清蹕白旄揚曙色遙分組練光
絡繹征徒趨甫草嵯峨
石鼓勒岐陽雍容但順三驅禮
節制寧誇七校長簡練
元戎昭

聖武

威靈旁暢入遐方

風雲

南苑護高臺

御駕親臨八陣開
金勒傳符徵頗牧
彩毫分簡命鄒枚
林披餘雪寒光薄
律轉初陽暖氣來
大典新成歌大武
朱干玉戚共昭回
翠葆雲旂夾路迎

天門回輦日初晴
鐃歌朱鷺軍容壯
瑞應騶虞德化成

本為師田昭禮讓遂因旗物辨聲名歡情旁洽

皇風暢經緯鴻猷屬

聖明

聖駕南苑大閱恭紀四首

徐本

瑞雪凝輝協仲冬乘時行狩整軍容屯雲虎旅排千帳
閃日龍旂下

九重赫濯聲靈皆典則覲揚

光烈倍嚴恭良辰扈從趨南苑萬姓歡闐喜氣濃

文治休明冠百王
詰戎禮舉道彌光
折衝樽俎由

淵默揮霍風雲合

昊蒼就位金貂都鶴立
分行羽騎各鷹揚
恭承大閱隨清蹕
森肅威儀網在綱

萬壑龍吟畫角催臨觀

親上瞭鷹臺
五兵器習光於電
八陣形開奮若雷
預備幾曾忘偉畧
承平自昔養雄材
請看白羽頻穿札
首應駟虞樂節來

聖武初隨節候宣

宸章早共日星懸
要知祝網開三面
未異垂裳拂五絃
比戶恬熙胥有象
羣方清晏鎮無邊
禁中頗牧臣何敢
羽舞忻歌億萬年

聖駕南苑大閱恭紀四首

有序

陳世倌

洪惟

皇上天錫勇智表正萬邦
文德宣昭武功丕著
爰於乾隆四年冬至月
舉行大閱禮六師歡騰
萬民忭舞

臣世倌謹稽首拜手而颺言曰禮有六而軍禮其一軍有五而大閱為要周官大司馬中春教振旅中夏教茷舍中秋教治兵惟中冬農事已隙則通三時之教而並舉焉是謂大閱蓋承平之時行大閱之禮以簡擇之則以別材力之強弱技藝之能否心志之離合由是兵知將意步伐疾徐有節攻戰進取有方此聖帝哲王所以義取師貞而威武震疊於天下也

皇上膺

上天之眷佑承

列祖之鴻庥內寧外順遠至邇安然猶不忘武備

命所司具儀集諸軍於南苑之原是日也瑞雪初晴風

和日曜

皇上親擐甲冑指授方畧諸王大臣環侍左右都統將
領督帥步伍威儀悉備少長咸列訓以鸛鷺魚麗
之形導以折衝擊刺之法龍翔鳥飛行陣肅也霆

激電騫卒徒奮也萬鏃齊發角射藝也六軍羅拜
効嵩呼也師整而堅士閒而銳赫赫厥聲濯濯厥
靈周禮所謂寓軍政於四時之田而戒衆旅修戰
法獨詳於中冬之大閱者惟今日

聖天子之舉行大典為然夫豈上林之射昆明之習驪
山之講所可同日而語哉臣竊惟文德大備於成
周而陳兵講武自永清大定以後未嘗廢而不舉
其在成王蒐岐陽而會諸侯亦越宣王因田獵而

選車徒一時臣工若史佚史克吉甫仍叔莫不作
為詩歌以美其上鋪張揚厲俾薄海億兆人庶共
覩太平鴻烈臣幸際誕敷載纘之時敢忘狸首騶
虞之義謹賦四章以抒忱悃召穆公曰天子萬年
周文公曰綏厥兆民是乃臣矢音遂歌之微忱云
爾

六合塵清紀

帝功更從吉戊講車攻

鑾輿曉引瞳眈日彩仗晴飄廣莫風陣列千軍饒吹震
營開萬騎角聲雄臣民共仰

天威肅却在陽和大化中

曉移行幄向閒田

駕近遙聞警蹕傳禾稼秋登開禹甸郊原氣肅朗

堯天驂騶競騁三花鬣霹靂爭飛七寶鞭越棘大弓

親命中星輝五曜協珠聯

雲麗層霄舜日光六師遙認

赭袍黃龍驤肅肅魚成隊虎衛森森鴈列行

頒賚盡叨三日酺呼嵩羣祝萬年觴不忘武備勤

宵旰獵碣岐陽未足方

戎政脩明典禮成

聖人講武協師貞要令寰海安耕鑿淨挽天河洗甲兵
列祖垂謨隆繼述萬方樂業享昇平拜颺願托臯賡後
文教遐宣慶永清

聖駕南苑大閱恭紀四首

尹繼善

六琯葭飛萬物春

詔傳閱狩肅清塵

金輿赤羽雲中出銀甲朱旂仗外陳
文德覃敷光正遠武功丕振烈尤新紹

庭不盡憂勤意

睿藻先教示近臣

瞭鷹臺廻接層霄虎帳開時直斗杓

玉座高臨虬纒整軍營徧歷馬蹄遙
千山瑞雪連天淨

四野和風應候調
建旒設旒循舊典
非徒搏獸咏於苗
南苑清暉向曉開
旌旗簇簇陣雲堆
驅馳變化龍驤奮
步伐從容羽騎迴
有喜

天顏敷雨露無譁
軍令肅風雷

熙朝不廢修戎事
赫濯聲靈萬國來

夏諺於今意自親
吾休吾助賴遊巡
歡聲扶續回陽律
喜氣投戈洽兆民
文囿騶虞仁最溥
禹階干羽化彌淳
颺言更進無荒戒
憂樂闕心仰

一人

聖駕南苑大閱恭紀四首

留保

貔貅百萬衛神州

法駕風清十二旂

輦路遙連黃道正

御爐徐引瑞烟浮
握機一卷承皇古
顯比三驅卜大猷
武備修明全盛日
黎元額手慶

宸游

轟雷掣電火連營疊礮叢鎗共一聲響徹八門開
紫極雲排兩翼現金城

神弓自教諸軍射

御馬常先衆騎鳴甲冑詩書雙濟美吾

皇智勇是天成

賜酺有

詔出

離宮甲士歡騰列拜中幸際太平瞻典禮不徒大武象

神功先春暖挹三陽麗積雪光涵萬旆紅如虎六師齊
挾纊鏡歌聲裏仰

鴻濛

元靈邃閣倚南潯

駐蹕時懷作述心詩繼

仁皇同典訓業遵

列祖並高深武功文德垂金鑑緯地經天作

寶箴慚愧

小臣

踈筆陣敬從颺拜頌咸臨

聖駕南苑大閱恭紀六首

田 懋

聖人恭己邁垂裳

鸞輅時巡闢九閭

文德覃敷歌鳳翔

武功聿奮重鷹揚
爰徵月令諏良日
更考天心應一陽
華蓋平臨行漏轉
惟聞複道散奇香

日麗金門淑氣通
旋移仙仗向

帷宮三時務畢知
民樂六出祥呈識
歲豐霽色千郊平

輦路晴烟九陌轉和風始知

帝力難名處只在衢歌夏諺中

璚宇琳宮締構宏

聖心欽若轉屏營紹庭永矢羹牆慕景行彌深繼述情
丕顯丕承崇

往烈一遊一豫厘民生

宸章題處星辰麗紉縵卿雲得載賡

行營肅穆廣場開

清蹕傳宣

萬乘來虹曳旌旄輝五色雲屯壁壘應三才干矛森處
明於電鉦鼓喧時隱若雷步伐止齊嚴紀律日華深捧
瞭鷹臺

角力呈材士氣揚桓桓虎旅盡騰驤紛紜騎擁風雲轉
燦爛鋒生斗宿芒弓挽六鈞驚霹靂天穿七札靖欃槍
太平休養軍多暇武節遐宣

國運昌

天厨頒賜飫芳鮮
拊舞雍容奏凱旋
地迴正宜呼俊鶻
風微不用載鳴鳶
折衝樽俎非忘戰
賞獲論功在得賢
何幸小臣觀盛禮還期
夙夜懋乾乾

聖駕南苑大閱恭紀二首

塞爾赫

雪晴南苑淨氛埃
大閱欽瞻

萬乘來颯沓羽林皆
虎旅騰驤寶騎盡
龍媒禮崇舊典
三驅洽旂展鮮雲
八陣開文化更忻
無武畧

親臨指授迅風雷

一聲清蹕肅連營赫赫河魁太乙兵七校按行分雁翼
五雲作隊引

龍旌霜原日霽吳戈耀垌野風飛夏箭鳴

神武作君欽

廟算丕揚謨烈慶昇平

聖駕南苑大閱恭紀二首

呂耀曾

乘時閱狩重三驅

法駕龍驤徧九衢
祈羽旌門昭

聖武擁麾幄殿肅

皇圖千官鵠立霜戈耀

萬乘雲屯玉甲超

繼述同符遵典禮
覲光揚烈顯訏謨

風和雪霽動輕寒

聖主臨軒七校團

德耀兩階光舜日
典昭九伐凜周官

琳瑯珠玉揮毫見龍虎風雲列陣看共仰

天威顏咫尺呼嵩舞忭奉

宸懽

聖駕南苑大閱恭紀四首

張廷璐

昇平職貢九垓同武備時修厯

聖衷雲集千官趨帳殿星羅萬象護

行宮旌旄色漾和風裊鎧甲光生麗日中畫鵠初陳飛

赤羽

君王親引六鈞弓

畿南冬狩敞軍營

輦路新開玉勒行
羽衛森嚴環列宿
花驄蹀躞導前旌
龍驤自昔稱中壘
虎旅由來重禁兵
咫尺

天威叨指顧
期門甲士倍光榮

野曠沙平散馬蹄
雕戈畫戟擁東西
烟光匝地千聲合
鼙鼓臨風萬隊齊
氣壯六軍騰虎豹
旂分八校耀虹霓
武功文德兼

昭代久已車書達象輶

羽林夙昔荷

恩殊簡閱尤沾雨露濡

賜帑更頒天庾粟傳餐同飽大官厨長楊漢苑誇遊獵
甫草周原記選徒何似

聖朝隆典禮歡聲雷動遍

堯衢

聖駕南苑大閱恭紀四首

吳應棻

畿南雲氣接

宸居東望扶桑掛日車天意放晴迎

玉輅山容展黛拱

金輿城鴉有隊隨陽舞苑柳無言待臘舒今夜滹沱應
解凍百靈環衛翼

周廬

元靈宮闕倚崔嵬賡和

奎章頃刻裁龍虎氣從千帳出鳳鸞聲自九天來簫韶

已奏平成業
鼙鼓還思將帥才
百里萊田標似錦
列營齊對瞭鷹臺

貔貅十萬耀戎裝
共仰

龍鱗照日光
馬控流星紅赭汗
弓開滿月綠穿楊
旂稍風颭花千簇
鹿角雲排卦八方
兩翼中間羅萬象

盛朝軍制邁軒黃

恩綸大賚羽林軍
踴躍歡聲動地聞
將士渥沾三日宴
山河底定萬年勲
陋他漢武金鐃曲
拓得周宣石鼓文

大狩禮惟司馬職葵心一點捧紅雲

皇清文穎卷八十五

欽定四庫全書薈要卷一萬九千四百八十七

集部

皇清文頴卷八十六

詩

七言律詩

聖駕南苑大閱恭紀四首

凌如煥

旗門鼓吹曙光融

萬乘鑾輿出絳宮
霽日全融馳道雪
曉煙輕泛上林風
鐵衣隊隊鳴金鐙
羽騎森森拓寶弓
文德久敷軍政肅

太平

天子秉元戎

甲冑

躬親按轡行黃金萬葉色晶瑩琬弓滿引穿楊技

御騎遙巡細柳營氣奮貔貅雲翼展光騰組練雪花生
德威共仰

天顏近將士無譁號令明

帝座星臨耀九垓高張

黃幄瞭鷹臺登壇角吹龍驤合匝地營橫雁字來一片
雷聲紅日裏千竿旗影白雲堆止齊步伐諧鉦鼓九進
連環次第催

回駐營門八陣安靜方動直卦圖看詰戎序應三農暇
紀歲豐騰萬井歡

賜食賜金羅甲士從龍從虎列儒冠微臣身沐
天恩渥簪筆從容咏大觀

聖駕南苑大閱恭紀四首

錢陳羣

瑞雪初晴

輦路開觀揚典禮肅風雷寒凝貔虎千官集雲擁郊原
萬騎來紺殿丹青思

締造

奎章金碧仰昭回吾

皇繼序兼繩武衽席從知慶八垓

禁旅兵樞慎所司親承

指授下丹墀陣通變化終歸律法合韜鈴在出奇文德

久敷寰宇內武功敢忘太平時
軍中共覩黃雲近
韎韐躬臨視六師

不數騶虞賦五祀禮成

恩賚復頻加玉匙飽飫大官米
金錯分嘗哈密瓜
聖主衛民心最切諸軍奉

德聽無譁欣瞻

鳳藻從天下墨色澄新映曉霞

一人親握帝王符天縱多能裕

睿謨玉帳開時光日月龍旂展處伏孫吳

九重宵旰惟無逸八政賓師戒不虞珥筆聲詩慚吉甫
為傳虎拜與山呼

聖駕南苑大閱恭紀四首

張廷琰

聖武惟揚六寓平選徒南苑駐霓旌簡稽令典崇周禮
羽獵雄風陋漢京地接滹沱瞻野闊日躔星紀慶陽生
順時禁旅森

行蹕紆縵榮光五色明

瞭鷹臺敞勢穹窿肅穆

天顏寶幄中組練六師心向日貔貅萬旅氣成虹令嚴
鉦鐃申三略陣協星辰式九宮惇史即今書盛事文經
武緯邁車攻

雪霽沙平淨碧天驂騑千騎蹴寒烟森森戈甲迎霜麗
燐燐旌旗映日鮮軍肅舊嫺司馬法
恩濃新賜水衡錢駟虞共咏

皇仁溥雉鹿都馴繞玉鞭

班聯此日侍彤闈喜見和風拂羽旗

睿藻載賡繩

祖德琇弓頻挽煥

天威於今邦政基磐石自昔詩篇賦采薇

盛世不忘修武事儒臣長扈

六龍飛

聖駕南苑大閱恭紀四首

春山

晴旭天開映

九重

翠華南苑閱軍容
露凝仙仗香烟細
風送鸞旗瑞靄濃
龍虎六軍隨日御
貔貅萬隊協雲從

盛朝振武勤于邁
吉日車攻喜再逢

離宮昨夜道新除
佩玉鳴珂奉屬車
萬畝棲雲登稼後
一陽應律報蓂初
晶瑩積雪明金甲
杳靄晴霞護紫虛
簇簇軍屯環拱處
三申令肅岳山如

羽林列衛慢城開
天策中權虎豹才
五色雲旗張廣幙

一聲畫角動層臺彎弧徹札

天威播擐甲巡師

聖武恢俞騎材官爭踴躍撻瑄金鼓似轟雷

師中有律士無譁赫奕兵威

聖主嘉八部龍驤騰武庫五言

鳳藻散天葩紹庭已識聲靈遠振旅還看

渥澤加緯武經文膽

睿畧金甌萬葉鞏

皇家

聖駕南苑大閱恭紀四首

鄒升恒

太平天子蒞元戎十萬旌旗颭朔風
雪盡馬蹄飛電影日晴
犀甲耀霜空雕弓九合威儀盛
畫鼓三聲步伐同一自

至尊親教戰六軍超距氣增雄

子月剛逢大閱期和門雙戟麗金枝
三驅號令周三隊八陣風雲應八旗
殪兇共傳

天子武割鮮均荷

聖人慈清時衅甲非忘戰看取桓桓盡虎羆

講武遐思

祖烈長

神宮親謁肅冠裳即看似火如荼陣先睹鏘金戛玉章
一德賡歌齊虎拜兩階文武簇鵷行欣占五色凝

華蓋韎韐叢中

寶翰光

山河表裏鞏金甌
赫濯聲靈遍九州
樽俎折衝歸禮樂
功名鼓舞出兜鍪
師師久已宣文教
將將仍欣仰
睿謀橐筆詞臣逢
盛典萬年稽首頌

皇庥

聖駕南苑大閱恭紀二首

沈榮仁

翠輦初臨擁瑞雲
廣場開處鼓鐃聞
翼聯左右軍容盛
隊列東西陣影分
執銳披堅輝舜日
辨方定位叶羲文
天家羽衛皆殊選
忭舞人人奉

聖君

高臺

黃幄正當中八面森排七校雄霞蔚雲蒸旗煥彩星馳
電掣礮飛空平時教養

恩逾渥此日驍騰藝最工更仰

皇心無暇逸

躬擐金甲試雕弓

聖駕南苑大閱恭紀四首

徐以升

天垂景慶

帝垂裳文教覃敷武奮揚南北賁琛歸禹貢東西鷁鰈
入堯疆亦知世治兵無用誰道時平戰可忘

簡閱特行冬中典羽林千萬盡龍驤

銅龍漏曉

屬車行寒柳晴融樂鳥聲雲罕高擎霞氣紫霓旌橫拂
日華明千條馬埒如弦直百步菜田似砥平垞莽神臯
雄壁壘幕天錦繡五花營

鼓旗十二旂鷹張

天子親臨日月光九地龍蛇縈曲直八門魚鳥制圓方
無譁霜凜干戈氣有爛星羅劒佩行共仰中央雲一朵
氤氲紅繞

御爐香

六軍

溫詔乍傳宣

內府恩流百萬錢靈囿呼嵩山谷應和門挾纘鼓鏡闐

風清玉輦

龍顏喜露湛彤弓豹尾旋

聖世觀兵原耀德金甌長卜太平年

聖駕南苑大閱恭紀四首

朱良裘

閱狩乘時出建章畿南風景宛岐陽

御圍乍合河山壯甲仗齊開日月光
鐵騎星流青羽箭
珠幡雲繞綠沈槍
昇平會覩軍容盛

睿念還期切

觀揚

六軍鼓吹叶歡雷

天子親巡壁壘來黃鉞臨時冬日暖玉鞭指處陣雲開
鉦鼙有節申師律部曲無譁辨將材獵獵旌旗風自肅
翠華直上最高臺

殷天動地迅雷威鎗鞞鏗鏘振鐵衣戈戟舒芒臨雪耀
驂騑逐影嶺雲飛勦哉步伐齊三表允矣

勲華被九圍慶協天人徵悅豫欣看文物有光輝

時和雉兔盛原田

敕許從禽

御幄前虎旅張弧懸皓月龍驤試馬踏連錢漫傳狸首
騶虞節寧詡車攻吉日篇

聖德經文兼緯武兩階干羽入薰絃

聖駕南苑大閱恭紀六首

彭啓豐

閱狩

鑾輿駕六龍布昭神武控提封禮隆吉日循宵雅典重

周官屆仲冬偃月旌旗羅陣法凌霜組練壯軍容共瞻
清蹕臨南苑饗士先垂雨露濃

貔貅羽衛鷩鷩刀金甲歲蕤護赭袍行列森嚴巡虎旅
陣圖合變仰龍韜平原雪淨驂騶騁廣澤風寒鷹隼高
從此軍門超細柳指揮親見

聖躬勞

連天鼓角殷轟雷駸駸揚旌颯沓回昨日陰雲凝大野
今朝霽色麗高臺重光

祖德丕基固默契

天心萬象開四海銷兵長洗甲和風故遣靖纖埃

靈囿方看雉兔肥天山早說卷戎衣網開一面敷仁澤
制合三驅耀武威常以蕃昌占阜物偶因校獵肅行圍
宸衷更切垂堂戒弭節從容馭六飛

七校屯雲依翠罕二虞萊野厲黃涔割鮮分賚由中禁
給札揮毫出上林教選車徒籌有備輯柔干羽化彌深
武功自足昭文德鏡吹如聞奏凱音

詰旦回鑣道再除都人額手望

鑾旗岐陽萬古誇雄駿漢苑長年頌樂胥

賜重挽強榮禁旅

恩深挾纊飽天儲

小臣

願進車攻什不學相如賦子虛

聖駕南苑大閱恭紀四首

林令旭

雪霽初開輦路塵

翠華夙駕鳳城闥蒐苗法古軍容肅遊豫乘時武德新
七萃旌旗光耀日三驅笳鼓氣先春

恩深挾纊人超乘

帳殿前頭頌

聖神

吹角旌門列騎輕
雕弓抱月鐵衣明
穿楊電激圍中賞
飛礮雷轟掌上聲
旅萃貔貅兵甲利
營連鵠鶴陣圖成
金湯萬里

天威播氣掃欃槍
識太平

龍驤虎旅晝鳴笳
士馬雲屯靜不譁
蹀躞錦韉分內廐

輝煌金甲襯明霞兩階千羽聲容盛萬國共球職貢遐
玉管吟成欽

睿藻長楊羽獵漫相誇

不動天風雉扇移晴光旭日護

龍旗軍聲遠振鐃歌奏

御氣遙通赤羽馳應識止戈昭

聖武曾聞無戰是

王師韜鈴祇向閒中習四海於今自靖綏

聖駕南苑大閱恭紀三首

徐以烜

馳道清塵

法駕移羽林排仗整鴻儀
瞳矐日耀黃金甲廣莫風翻
赤羽旗立鵠千官瞻肅穆
穿楊百步仰神奇玉驄周視
軍營遍紀律森嚴

帝者師

君王臨御睟鷹臺七校分行八陣開
鎗試連環光掣電礮飛子母勢轟雷
龍旗徐引千軍合畫角齊鳴萬騎迴

洛水岐陽何足擬布昭

聖武邁雄才

和門振旅禮初成正值條風應律生馬踏晴郊殘雪盡
幕連寒樹暮雲平經文緯武昭隆治弭矢橐弓慶永清
才愧鄒枚叨珥筆敢將詞賦擬西京

聖駕南苑大閱恭紀四首

吳華孫

文教覃敷

聖澤周更瞻講武頌天庥西山翠映朱旗動南苑晴輝

霽雪浮陣簇羽林屯虎豹兵環神策肅貔貅欣逢鉅典
當農隙萬國高呼徹

帝州

紅雲捧處奏韶鈞鳳輦

躬臨簡閱親萬騎騰驤開曉仗六軍飛動飭勾陳排空
霜戟含鋒銳麗日星旗繪象新節合騶虞鳴羽鏑勇欽
天錫邁羣倫

芳郊瑞靄氣氤氲玉帳千官鵷鷺分衛接九天依日月

營開八陣合風雲
驂駟色鬪金環轡
鎧甲先生錦繡紋
共覩虞階干羽集

聖朝緯武即經文

節應芳芸化日長
禮遵王制樂平康
龍韜獨蘊歸神武

鳳藻高翔仰喬皇
蹕駐郊坰濡湛露

鑾迴禁旅被恩光
微臣幸厠清班末珥筆
何能罄頌揚

聖駕南苑大閱恭紀四首

梁文山

翠蓋金支撼碧霄順時行狩

六龍調雲開

北闕鑾輿動雪盡平原獵騎驕珥筆鵷鸞周柱史選徒
驅虎漢嫖姚三軍擁處招搖出一路氤氲瑞靄飄

華林勝地接郊圻禁旅森羅護

紫微隊合貔貅昭

聖武旗搖龍虎肅

天威抨弦不使星狼逸繞仗爭看月兔肥自是於苗遵

古制驂騶百道踏雲飛

鎧甲光寒射曉暎

翠華指顧歷旌門天臨上苑威風轉地逼

宸居瑞氣屯霜仗雲麾迷日月霓旌電掣耀乾坤於今
不數西京賦萬國來庭拱

至尊

禮重三田羽旆揚更聞

天語敕幾康習戎却是崇文世勤政何分講武場不美

周王巡甫草還輕漢主獵長楊願隨豹尾鸞旗裏作頌
時親

黼座傍

聖駕南苑大閱恭紀二首

張映斗

昇平海宇慶同文講武仍關

睿慮殷大閱久垂司馬法

中朝特重羽林軍三冬日暖宜蒐乘七萃雲屯佇策勲
閫外乍傳

天子詔已瞻華蓋應霄雲

犀渠組練燦成堆鶴列平分八陣開赤羽干雲盤繡谷
黃龍捧日上金臺排空鼓角從天下照海旌旗捲地迴
忽聽鳴弦連破的

君王親射錦標來

聖駕南苑大閱恭紀四首

張為儀

彤雲深護瞭鷹臺

聖主親臨閱武來

萬乘旌旗明日月九天號令肅風雷陽生綬室春光早
暖入紅橋霽色開最喜六花猶貼地平飛鐵騎淨無埃
鳴鐃振鐸選車徒指顧龍蛇展陣圖曉日晶瑩明組甲
朔風勁烈入雕弧馬嘶平野騰驤闊旗列諸方錦繡鋪
更向五雲高處望太平

天子握兵符

城南苑囿路逶迤雷動星陳簡六師洛水裳華傳盛事
車攻吉日咏新詩弭兵久遂昇平樂講武還勤暇豫時

韎韐臨戎昭有與

君王福祿正如茨

振旅歸來日未晡
瞳瞳晴景照高衢
軍容共識雄三輔
王會遙知徧八區
律呂早宣

天藻盛金縢重沐

聖恩敷六軍喜氣通霄漢
太乙鉤陳拱

帝都

聖駕南苑大閱恭紀四首

金德瑛

敷文懿德載橐弓冬狩因時閱武功吉日應占蒐卒乘
期門奉

詔集羆熊風雲四面儲胥合日月中臨閣道通鵲尾香
飄徐按轡太平

天子統元戎

組練飛馳捷羽翰城南草淨列營寬六師盡識尊尊誼
萬乘親升將將壇鼓角濤喧驚野外旌旗雲合映林端
正當雪積霜凝候挾纊

恩深士不寒

兵制深嚴仰

聖朝丞徒不數霍嫖姚環生陣勢隨舒卷山立軍容敢
撼搖共荷

皇威爭自奮夙嫻師律寂無囂

一人穀矢連穿札萬騎高呼動碧霄

振旅還旌我武揚止齊步伐自知方清時久已銷兵氣
餘勇猶看騁獵場士飽馬騰襄

盛典金聲玉振頌

宸章昇平文教覃無外永固鴻圖

寶籙長

聖駕南苑大閱恭紀四首

秦蕙田

昇平大典重車攻上苑

親臨吉日中龍虎作羣隨寶纛貔貅列隊
鞞雕弓聲威遠淨千峰雪氣色高騫萬里風
千羽久昭文德盛乘時肆武耀神功

六軍山立護神京七校星羅拱

御營天廐夙調皆上駟羽林宿衛總親兵聲騰鉦鼓河
山壯光絢旌旗日月明

盛世軍容彰赫濯威弧氣已靖櫓槍

赤羽飛揚散五花韜鈴風后重專家三申有令王先制
萬隊無聲士不譁壁壘精嚴過細柳指揮倏忽走長蛇
神機火器尤無敵殷地雷轟轉電車

駐輦高臺翠葆翔經文緯武日重光三驅雲擁飛龍馭

七札星流屬羽芒

帳殿揮毫瞻

聖藻和門橐筆奏長楊
消兵竊有平生願
五色彰施仰舜裳

聖駕南苑大閱恭紀四首

胡中藻

天家創業一戎衣
山海梯航坐指揮
寶鏐留塵封玉匣
長城如米聚金扉
銘勲舊有麒麟閣
講武新開虎豹園
誰道承平循故事
今朝草木想神威

禁旅宵嚴出建章武功無事亦難忘千官捧日隨

天仗萬騎屯雲踏曉霜槍壘斜分沙岸闊轅門高插玉
鞭長平明試聽行軍令鐵駟風翻簇寶裝

玉勒徐行五壘中六軍擁護試雄風且看雪羽光堪照
無限霜英日漸融八陣風迴圖遠勢兩階千舞想膚公
猶傳校獵揮餘勇箭簇三花野草紅

天池洗馬解花韉月偃琯弓漫挽弦緹騎八門非用武
折衝千里不臨邊將軍且許傳杯酒甲士猶勞出賜錢

洛水周家稱盛事

微臣

重咏六師篇

聖駕南苑大閱恭紀四首

齊召南

七萃朝嚴玉帳深九宮中位

紫微臨旌旗雲罕高

龍燾壁壘天星動羽林百道長虹環劍氣八方雄獸抱
鉦金由來文德兼神武萬里烽銷碧海濤

禡牙金甲照南山軍令

重瞳曉自頒三陣指揮天地合百年清晏虎貔閒茄風

羽箭千雕落苑雪桃花萬馬還共說

至尊雄畧盛射蛟

親取大弓彎

雲承

華蓋駐旌門威控招搖壯戟幡會士漢年臨渭曲
車周月在天龜靈鈺震起冬行狩桐鼓雷騰曉卧轅千載
雅詩賡獵碣不關江漢咏鋪敦

星弋月羽肅森森虎旅魚麗萬貝綬

親整六師

天子事長安四海

聖人心禮成大閱春卿共誓在中軍夏德深正報一陽
迴玉琯盡聽鐃吹起和音

聖駕南苑大閱恭紀二首

王會汾

龍旂長引電鎗鏗講武平時校玉堂

天子雄儀高上將

帝星符彩動文昌參旂戎路岐山曉白馬朱鬃渭水陽

共說西京多故事不關鈴策授漁璜

南苑沙平海色新天開晴雪映華林
控弦赤羽風翻電鏢甲團花日碎金
都尉落雕初獻獲將軍鉞虎合頒禽
至尊英略兼雄藻誰賦長楊倚劍鐔

聖駕南苑大閱恭紀二首

孫宗溥

農閒振旅耀南畿一帶晴峯入翠微
萬騎踏雲隨曉仗六軍捧日識

天威旗分茶火連營壘將號熊羆聽
指揮金甲躬披光

燦爛鼓鼙聲裏五雲飛

旌立和門左右陳琬弓畫戟一時新狩從文囿同民樂
網祝商郊與物春玉帳夜聞行漏箭珠旗曉淨屬車塵
鑾回警蹕天街肅

萬歲嵩呼達

紫宸

聖駕南苑大閱恭紀四首

裴曰修

闔闔晨開六轡閒層霄星拱太微間光生

彩仗排成錦壁立

天營望若山赤羽分旗森虎衛黃金擐甲覲

龍顏閣門昨日傳

溫旨犒賜頻仍次第頒

瞭鷹臺矗擁千官

黃幄親臨駐馬看銳走雷霆聲震疊捷馳風雨勢瀰漫
六師奮武軍容整萬里銷烽海宇寬天下太平無一事
至尊猶念守成難

已占來歲隴頭春瑞雪平鋪大地勻
候應一陽稽月令
禮遵九伐舉時巡
兵農交重垂邦憲
文武兼資識
聖人信是居安常有備
獨先兢業勗臣鄰

高原四望喜豐年
滿路歡聲振旅旋
億姓有心皆向日
一人每事必承

天輝煌

祖德懸金鏡
煥爛

宸章泐寶牋
此際回

鑾歌飲至侍臣同進九如篇

聖駕南苑大閱恭紀四首

莊有恭

堯階干羽洽重熙修武歡歌吉日詩

駕出明光陳宿衛烟清平樂麗朝曦龍駉電掣騰千騎
熊虎風迴動九旗即此聲名揚近遠知方有勇是仁師
和門鼙鼓一聲開碁布軍容實壯哉魚陣伍縫編列隊
雁行兩翼繞高臺平沙地濶轟雷馭


黃幄天臨正斗魁赳赳干城欣有託六師俱是出羣材

兆呈三白曉初晴紫氣黃雲護列營谷暖不知冰雪冷
天澄愈覺旆旌明覲揚

祖德懷神武揆奮

皇圖息遠征軍法自來遵古制從知耀德寓觀兵
聲靈赫濯邁岐陽典禮修明正萬方德園鳳麟來有象
農田獮狩戒無荒鑣鳴自協駟虞節樂奏宜登白雉章
幸厠西清傳盛事抽毫未敢效長楊

皇清文頴卷八十六



總校官庶吉士 臣 張能照

校對官檢討 臣 郭 寅

謄錄監生 臣 許祖懷